

豫章叢書

第三冊

皇明西江詩選卷之二

會稽韓陽選編

弋陽李奎校正

王沂

字子與號竹亭
吉安泰和人

題觀泉圖

崧彼泉水其清瀏瀏既出于山亦經于丘原則有坎
陸則有岐汪汪洋莫知所之奔壑西馳經天東注
夫豈性然勢激而寓歛此涓滴至于尋丈隨波同流
惟海是向彼觀泉者朋簪童琴洗耳其操濯纓其心
鳴雨林臻霏雪厓至時不待人圖不盡意漆園蒙莊

妙契淵默君子人與果行育德養正之功有漸無已
勗爾後來是之取爾

覽古

楚國憤奇士伍奢真可憐
人費無忌譏間平王前
讒奢未及止思去二子賢
賢哉子胥智乃出無忌先
弟兄永訣別父子相棄相
貫弓向中使去就何翩翩
吹簫道中飯脫劍江上船
艱關歷他境慷慨張空拳
公子不可說專諸能解懸
退耕伏中野決策如轉圜
二國適多釁五年方見宣
操兵遂入郢殺氣如罪煙
不得費少傅斬首謝厥愆
徒令楚舊主乃辱吏士鞭

報楚旣得志謀越徒進言屬餒早受賜賜草往不還
忠因怨毒廢孝以忍詢全樹植志弗遂夫差隨上仙
悲君讀遷史今古慨悠然

送上清張叔大鍊師東還

芒碭王氣浮天關真人乃在圮橋間功成往事赤松
子心與浮雲如等閑上清億劫玄教起坐引諸天黍
珠裏昨聞僊子御風來身着山中紫霞綺東海塵飛
二十年仙兒消息兩茫然守關人識青牛去渡海書
逢白鶴傳五陵八百遺仙記思欲攀天問天帝三尺
青萍手可提一品銀章肘先繫笑把芙蓉花相期訪

蓬島不見河上公空懷橘中老大明治世龍漢秋乍
來候往應難留月明後夜碧天淨笙鶴遲爾羣山頭

春江靜釣

白鷺洲頭春水生青山倒影碧波明閉門却掃流塵
靜深樹似聞啼鳥聲漁舟蕩漾持竿久世事茫茫不
回首釣得金鱗換酒歸夕陽正照垂楊柳

過青原訪先侍郎至之勅葬處歲久湮沒故物
餘石馬而已感慨封樹以識後來

勅葬憶先墳簪纓墜世芬野鳥啼夜月石馬卧秋雲
科第思前達忠勳啓後聞流傳青史上胡戴宋明君

遊青原山次隆太古謝子方二首

送客淹螺浦尋僧問鷺峯
水流通雪竇谷響應霜鐘
靈跡雙荆樹香風五粒松
追隨成信宿感爾意重重
躡雲來駐錫拓地此安禪
曾讀傳燈錄因參不二天
松陰山四合雲影塔孤懸
消歇同人世憑軒思惘然

江行

江柳拂危機江花照客衣
灘臨交石險山入斷雲微
樵爨春煙起漁歌晚棹歸
沙禽渾睡着驚起月中飛
小莊道中

客路千厓裏春風二月中
虎蹄荒逕少鷺語故鄉同

澗水縈迴緣山花自在紅物華空滿眼去意只匆匆
題嚴甥玄齡松軒讀書圖

憶爾幽軒好耽書久未逢高科懷五桂喬木愛雙松
流水池邊路浮雲戶外峯世家元不忝力學待昌宗
安慶謁左丞余廷心祠

百戰孤城陷先生獨有祠勳名班左轄心膽戀彤墀
已矣英雄死傷哉國步危魚沉芳草沒虎落墜藤欹
短日紆長算高風繫遠思文章傳異代事業貫穹碑
蘋藻遺珉薦松楸過客悲乾坤新曆數社稷舊陵夷
傳入今朝史歌餘古樂辭有懷因感激千載重民彝

登老姥山

路轉顛厓虎鼻峯上方日晏始聞鐘
晴嵐密護岩西竹香霧輕浮澗底松
山果欲凋還共採林僧久別乍相逢
玩奇行遍燒丹處拾得仙人九節筇

次仲脩來韻

四海交游盡俊英一時詞藻擅聲名
建安七子推王粲大厔諸公愛長卿
野水雲晴蘭榭小山城月皎玉簫清
都將一日三秋意寫作吳歌子夜聲

送姻弟劉子彥應辟

畫船衝雨發官河東帛微賢是禮羅
天上午門新日

月海中春水淨風波經筵進講先三禮名世登崇重
四科自昔珠林推俊秀茂才應制蚤鳴珂

幽居同劉韶賦

春泥門巷雨聲多潤浹荒畦露淺莎石砌落梅疎映
竹鑑池流水細通河坐深還愛青氍舊老至其如白
髮河海內太平忻有象詩成聊復醉時歌

送謝子良驛丞之京

水驛論交舊著名春城分袂若爲情空羣奇驥長千
里惜別流鶯更一聲白下雨收梅子熟清江風過柳
花輕歸船暫泊應回首五色雲中是玉京

次仲弟子啓僉憲過洞庭湖

黃鶴樓前曙色開
呂公磯上首重迴
平湖盡處青天出
積雨晴時白鴈來
千古戰爭餘舊壘
百年歌舞廢崇臺
昔人總逐流波逝
猶想清風被八垓

題劉彥昭杏林春曉圖

久看林杏萼柯條
每到春晴花最嬌
彩雲終日淨如拭
絳雪有時吹未消
檢方清潤浮書度
接席繁陰落酒瓢
舊游回首已十載
杏實纍纍須見招

寓京有懷舊友歐陽明善

南平城裏舊相聞
覺海橋西喜遇君
泉石閒心同止

水湖山往事付浮雲別離久候鴈鴻信寤寐常懷鶴
翠松竹煙霞清藹藹藤蘿霜月白紛紛

黃堂冬夜詞二首呈全子仁大參

簾底移琴錦瑟張梅花枝上月如霜羽書忽報諸州
捷敲折珊瑚一寸長

茜色紗籠燭殘綺窗斜月轉雕闌當筵賦得陽春
曲喚取銀箏按拍彈

與劉志善談詩

風氣開時習俗移文章千變亦如之當時不是毛韓
輩雅頌寥寥說向誰

仙源秋曉

遠是青山近是林
仙源秋色雨中深
前溪不是桃花水
縱有漁郎無處尋

王佑

字子啓吉安泰和人仕至廣西僉事

夜泊采石懷李白
適明月初出江波不興因買酒
醉白邀月共酌

清夜宿采石浩歌懷謫仙
海風吹明月飛上青天懸
月光宛如昨太白久不作呼酒坐船頭
邀月共斟酌
大江如平天倒度明鏡圓
水上皆白雪流光入金船
當時豈真醉捉月猶兒戲
千載嗤大狂幾人會高致

我今問嫦娥百歲愁常多古月至今好今人如古何
謫仙倘不朽便好同樽酒明月成三人相逢足爲友
期君君不來醉棹酒船迴但得天上月長同掌中杯
三山樵者歌爲湖廣僉事王子正賦

福州城裏三山好問爾採樵曾結廬每嘆爲官出山
早何如習隱在山居山中尋太液霜雪清廟明堂嗟
未得豈無松柏成棟梁亦有椅枰中琴瑟我修我斧
持我斨清曉出門行路長初涉寒流度前澗更攀危
石上高崗崗頭遙望扶桑日海底紅輪湧波碧照耀
青天絕片雲丹崖翠壁光相射黃鶯谷口鳴嚶嚶白

石峯陰同坐行辛苦不辭長食力幽栖已慣豈逃名
大材當爲時愛惜棧樸由來足薪積許許寧知歌自
悲丁丁遠聽聲何急日斜樵伴邀同歸萬壑千岩行
者稀薄靄餘霏昏竹徑斜陽返照入荆扉當時自分
貧亦足與世相違謝榮辱玉局時來石上看青編夜
照薪光讀明時搜士徧丘園束帛徵求忽到門金馬
玉堂親召見繡衣鉞鉞遠旬宣山中白雲誰共住甚
欲還山不能去芳草應迷行徑蹤綠蘿長覆栖閑處
吁嗟窮達在人生俛仰興懷感慨并傳說旁求從版
築阿衡聘起自躬耕古來出處有如此豈但于今應

時起報効垂休竹帛間還歸重卧雲蘿裏

題蕭彥翀雲構

青霄萬餘仞白雲千百重不在大行九折坂不在匡廬五老峯海東高人蕭彥翀紫髯如戟顏如童卜居不肯向岩谷乃欲結構雲之中雲之來兮栖素欄秀色可攬光纖纖曉晴潤氣拂蕙帳暮冷清陰飛竹簾鳳臺之素娥爲吹紫簫曲曲罷青天高澄澄如碧玉露洗三更寒煙飛一庭綠君家世躡青雲梯方厓鐵面秋霜飛繡衣春當霄漢立勁翮凜凜凌虹霓子亦曾襟隘寰宇曾泛靈槎訪牛渚好登雲路早從龍大

濟蒼生作霖雨

題蕭雅言武山讀書處

武姥山容春更清
圓如仙髻方如屏
中峯遙對章江水
絕頂平臨天角星
憶我山中尋武姥
手招陶皮二仙侶
泉陰芝草春自香
洞口琪花夜初吐
武姥瑤壇凌紫霞
骨青髓綠顏如花
謂言富貴等塵土
授爾長生九轉砂
龍吟虎嘯綵鸞唱
夜半烏飛曲江上
山中留得煉丹泉
疑是銀河瀉千丈
我祖前朝曾監還
愛蘭諸老同栖山
武山福地金字額
至今照耀雲林間
聞君讀書隱岩石
惜我被徵去鄉邑
手種岩前幾箇

松應有清陰坐沾席君今解組賦歸休我復乘槎事
遠遊想得雲峯峯下不待君高枕聽泉流涼風吹月
從西度玉盤掛在長松樹遙知夢覺石岩秋應憶朝
回辟雍曙武姥雲端如可逢江南爲寄玉芙蓉倘得
丹成天上去相從八極跨雙龍

自城陵遣阮庾上桂林候姪伯貞望家過峽州
却圖入蜀追賦二首

遣爾迎妻子殘冬到峽州瀟湘俱便道澠嶺正安流
書間毋遣墜舟行莫滯留鶯花春二月相見錦城樓
念爾何時見相離七月餘如何千里道不寄一行書